



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. III. De sententiis non transeuntibus in rem judicatam.

[urn:nbn:de:hbz:466:1-73001](#)

si secunda habeat contrarium , nempe contra eam non sicut exceptum , nec appellatum.

2616.

Occasione textus in hoc c. deducitur ; exceptionem recusatoriam Judicis propo-nendam esse ante litem contestatam , ibi : *quas , tanquam dilatorias , ante litis ingressum proponere oportebat.* 2. quod non juvet , si opposentes nihilominus judicium ejus subeant , ibi : *quibus coram delegatis eisdem (contra quos causam suspicionis in judicio moverunt) subeundo judicium renuntiâsse videntur;* 3. quod impetrans rescriptum secundum debeat facere mentionem de processu , & litis pendentia super tali causa rescripto cæteròquin non valituro , ibi : *tum etiam , quoniam de processu negotij , coram primis Judicibus , nihil in secundis literis dicebatur , quod , si fuisset expressum , obtinere minime potuissent:* 4. sub prætextu novorum instrumentorum lites non debere instaurari , ut ibid. dicitur ; quod tamen intellige juxta dicienda in seqq.

§. III.

De sententiis non transeuntibus in rem judicatam

2617.

ET si dixerimus sententiam , à qua non est appellatum intra decen-dium ; vel , si appellatio interposita , rur-sum deserta sit , transire in rem judicatam sic , ut ea causa decisa reddatur ; sunt ta-men casus aliqui ab hac communi juris re-gula excepti : certum enim est , ubi verti-tur periculum animæ ex sententia lata , hanc nunquam transire in rem judica-tam ; Cùm enim exceptio rei judicatæ , contra illam agere volenti , locum habeat solùm ex dispositione juris humani ; hoc autem nunquam possit statuere aliquid , ex quo subsequitur periculum animæ , seu peccati ; nunquam talis sententia poterit transire in rem judicatam ; id , quod ali-qui extendunt generaliter etiam ad casum , quo sententia est ipso jure nulla ; nam non entis non sunt qualitates ; quod tamen limitant , ut hoc procedat solùm ad 30. annos , non ultra ; per L. *Expressum* 19. ff. de Appellat. junctâ gloss. lit. C.

2618.

Descendendo nunc ad casus particula-res , quæstio ; est , an sententia , *lata ex*

juramento litis decisorio , & necessario , nempe ab ipso Judice delato , *transeat in rem judicatam* , si postea per instrumenta reperiatur falsitas jurantis? Resp. quod non , ex L. *admonendi.* 31. ff. de jurejurand. ibi : *admonendi sumus , interdum etiam , post iusjurandum exactum , primiti constitutionibus Principum , ex integro causam agere , si quis nova instrumenta se invenisse dicat , quibus nunc solis usus sit.* Sed hæc constitutiones tunc videntur lo-cum habere , cùm à Judice aliquis abso-lutus fuerit : solent enim saxe Judices in dubiis causis , exacto jurejurando , secun-dum eum judicare , qui juraverit. Quod , si aliás inter ipsos jurejurando transactum sit negotium , non conceditur eandem cau-sam retractare ; ubi nota rationem ; quia juramentum , suppletorium probati-onis delatum à Judice , est juris specialis ; facit enim partem esse Judicem , & te-stem : & ideo contra illud valent instru-menta noviter reperta ; hæc enim , cùm habeant favorem juris communis quoad vim probandi , tunc illis prævalent. dixi : *juramentum necessarium ; nam voluntar-iuum (quando scilicet defertur à par-te) habet vim transactio[n]is , & utriusque partis consensu litem terminat ; transactio[n] autem non retractatur in foro externo prætextu instrumenti postea reperti ; ut dicitur L. in fine , juncta gloss. fin. sic Zoësius in eandem n. 57.*

Quæstio 2. est , an transeat in rem ju-dicatam sententia lata ex falsis attestatio-nibus , vel instrumentis ? Resp. de hac quæstione extare c. 22. h. t. Nam cùm duo Canonici Remenses , voluntate suorum Concanonicorum ejusdem Ecclesie , ad Papam detulissent , eorum Abbatem (nam Canonici Regulares erant ; quo-rum *Prepositi* quandoquæ dicebantur Abbates , ut in c. Cùm in Ecclesiis. 10. de majorit. & obed. vel etiam Priors ut no-tat Layman in cit. c. 22. n. 1.) super di-lapidatione , perjurio , & aliis esse multi-pliciter infamatum ; Pontifex causam E-piscopo Cathalonensi , ejusquæ Collegis commisit , qui receptis Abbatis , & Cano-nicorum juramentis , Abbatem ab admini-stratione removerunt , correctione Ca-noniconum dilatâ , quam tunc non pote-rant expedire ; Procuratore autem Abba-tis , ad Pontificem appellante , quod Ju-dices

dices lite non contestatā , & juramentis conspiratorum contra Abbatem receptis, nequè coram partibus publicatis ad sententiam processissent ; mandat Pontifex , si constet, quod illi Conspiratores fuerint, eorumquè dicta tantum Judices secuti fuerint, sententiam , & processum eorum irritari , & juxta formam priorum literarum procedi. Si verò Abbas non probaverit conspirationes , vel illi nihil eorum contra ipsum deposuerint , ob quae fuit amotus , vel certè illa aliter fuerint probata , jubet processum Judicium confirmari ; potuissé enim eorum juramenta super illis de statu Monasterii recipi , quæ Abbas non contingebant ; præsertim cum probatum non esset , eos conspiratores fuisse.

2620. Ex hoc textu deducitur , sententiam sive ab ea fuerit appellatum , sive non , non transire in rem judicatam , si lata sit , fundamento sumpto tantum ex attestationibus falsis , ut constat ex textu ibi : mandamus , quatenus , si vobis constiterit , quod illi Conspiratores fuerint , eorum dicta Judices secuti tantummodo (cum per alios ea probata non essent) sententiam protulerant ; vos processum eorum irritantes , juxta formam comprehensam in prioribus literis procedatis. Ubi nota ly *tantummodo* , quo innuitur , si præcisè , seu unicè processerunt ex attestationibus Conspiratorum , iisquè circa accusationis puncta factis ; nec aliundè probata ; sic enim præsumuntur falsæ. Si verò Judex depositionibus testium inhabilium non sit motus ad ferendam sententiam , sententia valet , & potest transire in rem judicatam , si non appelletur intra decendum , vel appellatio interposita deseratur ; ratio sumitur ex dicto c. 22. ibi : si verò eos Conspiratores fuisse nequiverit comprobare ; vel , licet de hoc constaret : appareat tamen illos nihil super his deposuisse , pro quibus idem Abbas fuit amotus : vel etiam , si aliqua super his deposuerint : ea tamen per aliorum dicta fuerant sufficienter ostensa , processum ipsorum Judicum , confirmetis :

2621. Ex eod. c. deducitur 1. quod Canonicus Regularis , & secularis , sicut & Monachus , agere potest contra Prælatum infamatum de dilapidatione , aliquè criminibus cum scandalo junctis , peten-

do , ut tanquam indignus amoveatur c. Olim. 26. de appellationibus , & colligitur ex dict. c. 22. de quo n. priori ; deducitur 2. quod ejusmodi denuntiationem possit facere tam suo , quam aliorum nomine v. g. tanquam Procurator suorum Canonorum , vel confratrum , ex eod. ibi : Cūm Canonici S. Dionysij Remensis pro parte quorundam Concanonicorum ejusdem Ecclesie &c. quod etiam habetur in Clement. Religiosus , de Procurat. junct. gloss. V. Con sorte. Deducitur 3. si Prælatus accusetur de dilapidatione , vel crimini bus scandalosis , præsertim , si talia sint , ut sine socijs committi non soleant , quod tunc inquisitio fieri debeat non tantum super ipso Prælato sed etiam membris , seu conventu , exacto ab omnibus de veritate dicenda juramento , ut hic , & in cit. c. olim. Constat ex cit. c. 22. ibi : dedimus in mandatis , ut ad Ecclesiam personaliter accedentes , tam in capite , quam in membris , corrigerent corrigenda , & statuerent , quæ statuenda viderent ; & colligitur ex c. olim 26. de appell. Deducitur 4. eos , qui illicetè Conspirant contra aliquem , non debere in testes recipi contra illum . ex eod. ibi : licet adversus Abbatem non debuerint Conspiratores admitti. Deducitur 5. publicationem attestationum , esse necessariam necessitate præcepti ; non tamen , necessitate substantiæ , ex eod. ibi : depositionibus , coram partibus , minimè publicatis ; sic Barbosa in L. Prolatam C. de sentent. n. 5. Gloss. in c. Timor de hereticis V. Judicij .

Deducitur 6. si contingat Prælatum accusari super certis delictis , præsettum , si talia sint , quæ non sunt sine socio , inquisitionem debere fieri super capite , & membris recepto prius juramento de veritate dicenda ; habetur in dict. c. 22. h. t. ibi : nos dedimus in mandatis , tam in capite , quam in membris corrigerent . &c. Deducitur 7. quod quamvis Conspirator contra Prælatum v. g. non debeat recipi quoad depositiones contra ipsum (cùm talis censeatur inimicus ejus) possit tamen recipi super aliis , vel rebus , vel personis non spectantibus propriè ad Prælatum ; ne , quod illi unâ viâ negatum est , alterâ concedatur ; & constat ex textu ibid. licet adversus Abbatem non debuerint Conspiratores dimitti , juramenta tamen ipsorum

de veritate dicenda, super statu ipsius dominus recipi potuerunt: ut per ipsorum dicta super alijs fides possit haberi, quæ Abbatem minimè contingebant, præsertim, quum tunc probatum non esset, eos conspiratores fuſſe: in his tamen omnibus, magnâ opus est prudentiâ Judicis, ut despiciat, an non etiam membra male affesta Capiti, justè, vel injustè, moveantur Zelo communis boni, an privatis affectibus, & commodis?

2623.

Quæstio est 3. de sententia lata in causa beneficiali? in hac quæſtione diſtingendum est, an sententia, lata contra Clericum, in causa beneficiali sit tantum in ejus præjudicium? an in præjudicium Ecclesiæ, vel animæ? si primum? transibit in rem judicatam appellatione, non interpositâ intra decendium; nec appellans deinde, audietur, ut dicitur in c. quod ad consultationem. 15. b. t. ibi: taliter duximus respondendum, quod, cum post decem dierum spatium, sententia in Authoritatem rei transeat iudicata; qui ad provocationis subsidium, intra id temporis, non recurrit, appellandi sibi adiutum denegavit: cum per hoc videatur, per interpretationem juris, latæ sententiæ paruisse: præsertim ubi causa non redditur appellandi. Ex quo habetur, quod appellatio interponenda est infra decem dies, ut per Marant. de ordine judic. p. 6. actu 2. princ. verbo, & quandoquæ appellatur, q. 3. princ. n. 213. & 214. Myfing. cent. 3. observ. 11. n. 1. & quidem sic, ut appellanti incumbat probare, se appellasse intra illud tempus; cum non præsumatur facta intra decendium; sic Mascardus de probat. conclus. 114. n. 11. illud porro decendium incipit à momento notæ sententiæ, ut dicemus infra; cum ab initio sit utile usquæ ad diem scientiæ de lata sententia; igitur appellatio cum interpolationi potuisset, intra decendium, neglecta, fuit, sententiam transire in rem judicatam; quia, quamvis non verbo facto tamen suo sententiæ consentire, & parere voluisse videtur, secundum omnes hic; idem probat L. ult. ff. quando appellandum, L. ult. C. de sent. quæ sine certa, & tradunt gloss. penult. ubi communis, in c. 2. de concess. præb. Abb. & alii. ubi Dec. ex n. 10. in cap. ſape, infra hoc tit. Cov. de ſponsal. p. 2. c. 8. q. ult. n. 18. si autem

secundum? nimirum, si sententia lata contra Clericum sit in præjudicium Ecclesiæ, vel animæ fecus dicendum est. Nam licet Clericus, per sententiam condemnatus, citra peccatum possit non appellare contra suum præjudicium; non tamen, si sit in præjudicium Ecclesiæ, vel aliud periculum peccati.

Quæſtio est 4. an in rem judicatam transeat sententia Censuræ, lata contra aliquem, qui intra decendium non appellavit? non quærimus de actu petendi Absolutionem à Censura; hæc enim refiſcenti cum Satisfactione, si quæ imposta est, semper conceditur; cùm ad hunc finem infligatur, ut sequatur animæ sanitas; nec etiam de actu per simplicem querelam de injustè illata Censura; sed solùm de actu per viam appellationis, clauso jam decendio, agendi contra excommunicationis, vel Censuræ sententiam? & ad hoc Resp. tali via deinceps appellantem non audit; sic gloss. in c. ad reprimendum 8. de Offic. Jud. Ord. V. suspendatur; & alii; quia sic casus non reperitur exceptus à regula communi.

Quæſtio est 5. an sententia lata pro dissolvendo matrimonio transeat in rem judicatam sic, ut nunquam deinde agi possit ad illud redinetgrandum? Resp. quando sententia lata est, ut dissolvatur matrimonium, quod in re est legitimè contractum; vel, ut teneat, tanquam validum, licet in re non sit validum, talem sententiam, licet ab ea non sit appellatum, nunquam transire in rem judicatam; nam in his est periculum peccati, ut qui est verus Conjunx, & matrimonio in re quoad vinculum Conjugii non soluto, liberè transeat ad alia vota; vel qui non est verus Conjunx, conjugaliter vivat cum non sua; utrumquæ enim est peccatum, & utrumquæ sequitur ex tali sententia in rem judicatam transmissa, quod tamen nec Jūdex ullus humanus, nec omissione appellationis facere potest, ut unquam liceat; id, quod aperte decisum est in c. Lator. 7. h.t.

Cùm enim Titius Caiam, verbis etiam de præſenti desponsasset, & matrimonium consummasset, & postea, cùm inter ipsos scandalum, aut contentio orta esset, vir mulieri debitum Conjugii subtraxisset, mulieris autem consanguinei offensi,

offensi, matrimonium accusare aggressi
essent, dicentes: quod Titius eam *invita-*
tam, renitentem, & secundum atatem
matrimonio ineptam duxisset: Titius,
cum vitam dissolutam desideraret, con-
tentus fuit, ut matrimonii separatio fie-
ret. Cum verò postea, ipsomet Titio,
ut putatur, turpitudinem, & inconstan-
tiam suam confitente, propositum esset Ale-
xandro III. separationem rationaliter fa-
ctam non esse, respondit: *nolentes ma-*
trimonia, canonice contracta, levitate
quadam dissolvi: Mandamus, quatenus
si vobis constiterit, eos per judicium Eccle-
siae non fuisse legitimè separatos, Eccle-
siamque deceptam, ipsos faciatis, sicut Vi-
rum, & Uxorem in simul permanere.

Et ideo glossa ibid. V. permanere; re-
ctè notat, debere tales simul manere, non
obstante sententia prius latâ: quia contra
matrimonium non currit præscriptio.
33. q. 5. c. quod Deo, etiamsi ab illa sen-
tentia non fuit appellatum: quia senten-
tia lata contra matrimonium non tran-
sit in rem judicatam, quin revocetur sen-
tentia, quandocumque error sententiæ
detectus fuerit, ut hic patet, & primum
de frigi. & malefic. c. fraternitatis. 35.
q. 9. c. grave.

Ex hoc casu in c. Lator regulam ge-
neralem deducit Abbas ibid. n. 9. quod
nulla sententia, cuius observantia nutrit
peccatum, nunquam transeat in rem ju-
dicatam; cum nulla præscriptio, nulla
consuetudo, nulla constitutio, peccati
nutritiva, quicquam operari valeat, ut
quod peccatum est, citra peccatum fiat,
saltem quando ratio mali non nascitur ex
sola humana lege. Unde non desunt,
qui dicant, per actus scienter factos con-
tra legem etiam humanam, non posse
introduci consuetudinem, quæ vim legis
obtineat; nec exinde sequi, nulla consue-
tudine possè abrogari jus merè humanum,
contra id, quod utroquè jure receptum
est. Nam, et si Antecessores, etiam *cum*
sententia mali, usum aliquem exercue-
rint, & ideo nullam consuetudinem le-
gitimam, per illum usum, scienter ma-
lum, induixerint; fieri tamen potest,
quod eorum Posteriori eundem usum con-
tinuent *bonâ fide*, persuadentes sibi, eos
pariter bona fide operatos, deficiente justa
suspicione mali, quo casu, si talem usum,

per tempus jure definitum, bonâ fide con-
tinuent, si aliud non obstet, justa consue-
tudo nasci poterit; & hoc sensu actus,
quibus inducitur consuetudo, quæ pro
lege suscipiatur, debere esse rationabiles,
prout exigitur in c. fin. *confuetud.* mihi
probabilius videtur.

Pro eadem doctrina (quod sententia
lata pro dissolutione matrimonii, validè
celebrati, non transeat in rem judicatam)
facit textus in c. *Consanguinei* 11. h. t. Cùm
enim consanguinei mulieris E. compa-
ternitatem inter ipsam, & virum, legiti-
mè probâssent, ideoquè Episcopus sen-
tentiam divortiit ulisset; mulier verò po-
stea eidem Episcopo confessâ fuisse, com-
paternitatem non ante sententiam divor-
tii, sed postea primum fuisse contractam,
ideoquè ad secundas nuptias se convolâsse:
Consultus Pontifex rescrispit, propter
solam confessionem mulieris non esse rece-
dendum à sententia, per Judicem Eccle-
siae rationabiliter promulgatâ, nisi legiti-
mè contrarium probetur. Nam ex hoc
textu habetur, sententiam, legitimè, ac
rationabiliter latam (quantum est ad or-
dinem judiciarum) pro dissolvendo ma-
trimonio, retractandam esse, tanquam
non legitimè, & rationabiliter factam
(quantum ad iustitiam probationum) si
legitimè contrarium probetur. Ex quo
habetur, quod sententia in causa matri-
moniali, non ita efficacem autoritatem
fortiatur; quin retractari possit, quoties
compertum fuerit, eam errore quodam
latam fuisse; ita Sanchez l. 7. de Matr.
D. 100. à n. 1. quod verum est, etiamsi
post sententiam, secundum matrimoni-
um ab utroquè, vel altero coniuge con-
tractum proponatur, ut notant omnes in
præsenti, idem probant c. 1. ubi gloss. V.
retractare in c. laudabilem, in fine, de
frigidis; gloss. pen. in c. sunt. 9. de testi-
bus; gloss. insim. 35. q. 9. & utrobique
communis; & satis evincit ratio iustitiae
irremissibilis, de qua c. Lator; siquidem
multò magis concludit, ubi secundum
matrimonium contractum est, & manet
cum peccato, si aliud in rei veritate legi-
timum existebat.

Dices: in c. scut. 9. de Testibus habetur,
post sententiam, contra matrimonium la-
tam (quantumvis dependenter à deposi-
tionibus Testium, qui privatim deinde
fassi

fassū sunt, se corruptos falsum testatos, non separatur secundum matrimonium, si quod taliter separati inierunt. Cūm enim quidam, acceptā pecuniā, super consanguinitate in judicio inter virum & Uxorem jurāssent, privatim autem asserent, nullam intercedere consanguinitatem, sed se corruptos testimonium falsum dixisse: respondit Pontifex, ut si Vir & uxor; aut alter eorum, iama ad secundas nuptias transierint, testibus super perjurio, & adulterio causato pénitentia indicatur; si verò ad secunda vota needum transiverint, & veritas dictæ corruptionis per alios testes comprobetur, sententia est revocanda; testimonium enim priorum, cūm perjuri sint, nullatenus est admittendum. Sed Resp. dictum casum non obstat; cūm expresse in fine dicatur, revocandam esse sententiam, se corruptio testium probata fuerit. Unde solum permittuntur in 2. conjugio post sententiam sub conditione, si non constiterit de errore, & falsitate depositionum.

Confirmatur 2. ex c. Tēnor 10. h. t. ubi talis casus habetur: Cūm inter Virum quemdam, & mulierem, controversia verteretur super matrimonio, num inter eos contractum fuerit? ea commissa fuit Episcopo Theatino à Sede Apostolica, qui vitum à mulieris petitione, dum illa absens esset, absolvit. Hoc, cūm intellectisset mulier, impetravit à Pontifice literas ad alium Judicem delegatum, qui causam hanc cognosceret, ad definiret. Iste Judex citavit virum, qui infirmitatem protendens non comparuit, sed nocte insequente, aliam mulierem, sibi matrimonio copulavit, ideoque Judex delegatus sententiam excommunicationis in eum promulgavit; postea verò comparrens coram eodem Judice, ab ipso absolutionem ab excommunicatione obtinuit; cui etiam exhibuit literas Episcopi Theatini, ex quibus patebat, ipsum vitum ab impetitione mulieris, per latam sententiam, fuisse absolutum. Sed quia mulier offerebat se ad probandum per testes, quod dictus vir ipsam, dato annulo, publicè subarrhāset, seu despōnsāset, dubitabat Judex delegatus, quid sibi faciendum esset? Respondit Clemens III. quod, non obstante illicitā absolutione, quam Episcopus fecit, in causa procedere,

& viro sub pēna excommunicationis severē interdicere debeat, ne ad eam mulierem, quam superinduxit (sive in uxorem, post primam, sibi copulavit) accedat prius quam causa decisā fuerit. Ex hac enim definitione habetur, si mulier prima suum matrimonium legitimum fuisse, probaverit, sententiam separationis esse retractandam.

Quæstio ulterior est, an, tametsi sententia lata pro dissolutione vinculi conugalis nunquam transeat in rem judicatam, ut haec tenus dictum est, idem procedat de sententia lata pro divorcio solum ad separationem cohabitationis & thori? inter innocentem, & Reum; & dicendum, quod sententia divorciī non transeat in rem judicatam quoad ea, quæ sunt in favorem Rei; bene tamen quoad ea, quæ cedunt in Rei odium, & innocentis favorem; ex quo habetur, conjugem Reum, post terminum ad appellandum à jure concessum, volentem allegare, injustam fuisse divorciī sententiam, & petentem reconciliari, non esse audiendum; at innocentem semper admittendum esse, si agat ad reconciliationem Adulteri, nequè huic competere exceptionem rei judicatæ contra innocentem. Ratio est; quia, cūm sententia divorciī separatur in favorem innocentis conjugis, & ad ejus instantiam, ac in odium adulterius, cui Ecclesia nullo modo vult favere; ideo æquitas postulat, ne in favorem Rei, seu nocentis, & damnū innocentis transeat in rem judicatam: nam, ut dicitur in L. evidenter; 16. ff. de except. rei judic. iniquissimum est, proficere rei judicatae, exceptionem ei, contra quem judicatum est.

Præter hæc not. 1. ex dictis colligi esse aliquas causas, in quibus, etiam si intra decendum à sententia lata non sit appellatum, nova instantia judicii peti potest, saltem probabili causā allegatā; ut tradit Innocent in c. tēnor 10. hoc tit. Et hoc est, sententiam non transire in rem judicatam, hoc est, rem, seu causam per latam sententiam definitivam non redditā judicatam, & decisam, quin peti possit, ut iteratō cognoscatur, ac decidatur; & quidē ab ipsomet litigante, allegante propriam suam turpitudinem, & inconstantiam, si nimis jam negat, quod antea confessus

fus fuerat; Abbas in cit. c. Lator. 7. n. 6.
h.t.

2631. Not. 2. in casu sententiae, quæ non transit in rem judicatam contra injustitiam sententiae posse agi, vel probando, eam non tenere, vel ex vi meritorum causæ; vel ordinis judicarii non servati, si haberi possit ex actis; imo ipsum quoquè Judicem, intellecto se falsis suggestionibus deceptum, errore cognito, posse retractare sententiam, ut constat ex Pæna 3. de divort. ibi Tui officij interest, matrimonia illa, exhibita gravitate, dissolvere, quæ illicite contracta noscuntur; ergo etiam redintegrare, illicite soluta; cum in utroque casu versetur periculum animæ, seu peccati.

2632. Not. 3. quando dicitur, sententiam aliquam non transire in rem judicatam; debere intelligi, sic, ut, esto non sit appellatum, tamen licet per viam simplicis querelæ causam deferre ad Superiorem; non tamen agere per viam appellationis, ut in hac instantia retractetur; nam in ordine ad hoc, non ad illud, si tempore debito non sit appellatum, sententia lata acquirit autoritatem rei judicatae. Si autem quæras, quis in hoc casu dicatur superior audeundus per viam simplicis querelæ: Resp. quod Superior, seu Judex, qui sententiam tulit, à qua non est appellatum, vel summus Pontifex, aut Legatus ejus; prout de hoc habetur ex c. Pastorale. de offic. Jud. deleg.

2633. Not. 4. in casu, quo condemnatus per sententiam, in causa matrimonii, agere vult contra justitiam sententiae, opus esse nova querela, & libello, quo supplicet, ut sententia, in tali causa, jam sémel definita, denudò in judicium revocetur; ac errore detecto, rescindatur; ubi nota, dici, denudò in judicium (primi nimis nimis judicis, à quo lata est sententia, contra quam querela deponitur) revocetur, ut nimis nimis rursum audiatur perinde, ac si sententia lata non esset; ut colligitur ex c. Ex literis 4. de in integr. restitut.

Cum enim inter duos Conjuges causa matrimonialis agitaretur, & Pontifex Innocent. III. eam quibusdam Judicibus delegasset & hi divortii sententiam protulissent; mulier ad Sedem Apostolicam appellavit. Eam appellationis causam Papa Abbat, & Archipresbytero Paduano

commisit. Abbas (cui alter vices suas commiserat) quia videbat mulierem ad terminum peremptoriū non comparuisse, inspectis actis priorum Judiciorum, eorumdem sententiam confirmavit. Cum hoc intellexisset pater mulieris, accessit ad Abbatem, & juramento confirmavit, quemdam fraudulenter venisse, ad ipsos falsas literas afferentem, quibus continebatur, ut diebus octo, post terminum constitutum, Abbatis (cui impedimentum necessarium incidisse narrabatur cur ad diem antea definitam adesse non posset) conspectui le sisterent: cum vero Abbas ipsis fidem super hac re habere nollet, dicta mulier ad Sedem Apostolicam appellavit, & suppliavit. Hac re intellecta, respondit Innocentius. Tametsi fraus, quæ allegatur, plenè probata non sit, tamen secundum canonicam aequitatem, se supplicationem mulieris admittere, eique, pro matrimonio postulanti, beneficium restitutionis, ad novam cause audientiam, concedere; ideoquæ aliis Judicibus mandatur, ut de causa appellationis cognoscentes, primorum Judiciorum sententiam confirment, vel infirmant, prout ipsis justum esse visum fuerint.

Ex hac enim definitione deducitur sententiam in causa matrimoniali non transire quidem in rem judicatam, quoad veritatem; bene tamen quoad instantiam judicij, nimis sic, ut novò processu opus sit, nisi restitutione in integrum petatur; sic Joann. Andr. in dict. c. 4. in gloss. penult. 2. in causa favorabili, qualis est matrimonialis, causa semiplenè probata, posse quandoquæ Judicem dare restitutionem, ut causa denudò cognoscatur, ut constat ex cit. c. 4. ibi: licet autem de fraude taliter perpetrata per hujusmodi iuramentum non constet ad plenum, in favorem tamen matrimonij, de benignitate canonica, contra fraudem propositam supplicationem mulieris admisimus & ad audientiam restituimus eam, pro matrimonio postulantem, ubi nota, verbum ad audientiam restituimus eam pro matrimonio postulantem. Sententia tamen non reprobata.

Not. 5. quando dicitur, sententiam latam contra matrimonium non transire in rem judicatam, intelligi de matrimonio; non autem, de expensis litis, ad quas ille, qui in causa succubuit, condemnatus est;

sic

Tom. II.

Qqqq

sic Felinus in c. Lator h. t. n. 10. nam istæ, si à sententia non est appellatum, non restituuntur; etiam si postea in judicio simplicis querelæ, deprehenso errore in sententia, contra matrimonium, *in quantum est contramatrimonium*, rescindatur; ita Sanchez l. 7. de Matr. D. 100. a. n.

11.

2636. Not. 6. in casu, quo Judex pronuntiavit pro valore matrimonii, contra quod unus nullitatem probare volens *ex metu injuste sibi incusso ad extorquendum consensum*, sententiam (si ab ea non sit appellatum) transire quidem in rem judicatam, *quoad instantiam, non quoad veritatem*, si consensus re ipsa per talem metum vitiatus fuit; posse tamen condemnatum contra talem sententiam adire Superiorum per viam simplicis querelæ, ut ea sententia retractetur, ut diximus n.

2633.

2637. Sed quid, si sententia iterum confirmaretur, & urgeretur alteri conjugaliter convivere, certus tamen, se gravi metu injuste inductum ad consensum? Respondet Pirhing hic n. 52. *Not. quinto*, licet in re non fore matrimonium; vitium tamen sententiae per ipsos contrahentes remitti posse, contrahendo absque metu; & sic consensisse presumi, acquiescendo sententiae per appellationis intermissionem. Sed ex hoc solùm sequitur, quod possint sine metu consentire, & sic fecisse presumantur, quandiu haec presumptio non eliditur; ceterum, si metum pausus re ipsa, ubi revera potest, nollet in alterum consentire, licet in foro externo etiam per censuras cogeretur ad conjugaliter convivendum alteri, non deberet illi sic Convive. re non dato prius legitimo consensu, & potius pati censuras, quam peccare, accedendo *non suum* ut alibi diximus.

2638.

Eodem loco cit. tradit Pirhing, quod si per sententiam pronuntiatum sit, inter aliquos dissoluta esse sponsalia de futuro, ob probatum aliquod impedimentum, à qua non est appellatum, eam transire in rem judicatam; quia, cum partes possint sponsalia mutuo consensu dissolvere sine peccato, possunt etiam sibi quoad hoc praesudicare, non appellando; si vero sententia lata sit in favorem sponsalium, declarando, illa esse valida, quando impedimentum dirimens matrimonium, est allegatum

sed non probatum: ea non potest transire in rem judicatam; quia soveretur peccatum, si partes vi illorum sponsalium, compellerentur ad matrimonium invalidum contrahendum; Abbas in c. Juravit. 6. de probat.

Sed quoad primum videtur non aliter intelligendum, quam quod in tali casu sententia lata contra valorem sponsalium de futuro ex impedimento probato, statim re ipsa non subsit, & appellatum non sit, transeat in rem judicatam quoad instantiam, ut dictum est, n. 2632. non autem quoad veritatem; nam ex eo, quod possint sibi praesudicare sponsi, mutuo consensu à sponsalibus recedendo, non evadit formaliter verum, eos esse jure impeditos à matrimonio, prout definita sententia. In secundo autem verum est, quod diciur, si re ipsa impedimentum subsit; quia tunc vi sententiae compelleatur ad peccatum; Sed hoc universaliter tenet non tantum, quando non tantum pronuntiatur in favorem sponsalium, sed ipsius etiam matrimonii, ubi procedendo ex facta declaratione de valore, qui re ipsa non subest, iretur ad peccatum.

ARTICULUS IV.

De effectu sententiae latæ.

Procedit quæstio de primario effectu 2639. sententiae definitivæ 1. is porrò principaliter est, *eius executio*: quamvis, praeter hoc etiam id praestet, quod faciat jus inter partes; & quandoque etiam inter alios; item, quod per eam lis finiatur; quod per superiorum confirmari debeat; quandoque rescripto contra ipsam lato obster, demum quod secum trahat pœnam Judicis male judicantis.

2. I.

De executione sententiae.

Postquam sententia definitiva transivit in rem judicatam, fieri debet ipsius executio; Nam sicut sine judicio quemquam nolumus condemnari, ita quæ justæ definita fuerit, nullâ patimur excusatione differri, ut ait Gregorius l. 8. epist. 50. relatus in c. sicut 2. q. 1. &c. *Quod ad consulta*